

09.09.2015.



U danu kada je deblokiran izvoz mlijeka i mliječnih proizvoda iz BIH u Evropsku uniju, u Goraždu je nakon osam godina ponovo otvorena mljekara „Milgor“. Ovom činu prisustvovali su predstavnici ambasada SAD-a i Pakistana u BIH.

Novi vlasnik mljekare, kompanija „Gillani Internacional“, čiji su osnivači Leila Hrelja iz Goražda i Sayed Kamal, biznismen iz SAD-a, porijeklom iz Pakistana, uspjeli su pokrenuti mljekaru, nakon niza propalih pokušaja domaćih vlasti da ožive kompaniju, brojnih sudskih sporova i nagomilanih dugova.

Tome se najviše raduju farmeri čije su nade u ponovno pokretanje ovog nekada uspješnog privrednog subjekta, bile ugašene.

„Mljekara je bila došla do kraja, sud je bio donio odluku o prodaji imovine tako da je Sayed Kamal bio jedina naša nada i šansa da se proizvodnja u mljekari ponovo pokrene“, kaže Midhat Hodžić, predsjednik Udruženja „Farmer“ koje je bilo većinski vlasnik mljekare.



Izvor: alljazeera